



Universitätsbibliothek Paderborn

**D. Bernardi Primi Clarævallensis Abbatis, Ordinis
Cisterciensium Antesignani, melliflui Ecclesiæ Doctoris
Sermones In Dominicas & Festa per annum**

Bernardus <Claraevallensis>

Sermo Vnicus.

urn:nbn:de:hbz:466:1-39254

visitare speciem dedignantur, maximè quia scriptū estⁱ: *Visitabis speciem tuam, & non peccabis.* Cæterum etsi de eis mihi arbitror præsumendum ob spiritualis substantiæ, & rationalis formæ similitudinem, ampliori tamen fiducia ad eos mihi reor utendum quos habere me noverim, & in ipsa humilitate confortes; ut oporteat eos familiarius & specialius misereri ossi de ossibus suis, & carni de carne sua.

*2. Quia Sacra
eorum pigno-
ra id est Reli-
quia penes
nos sunt.*

k Gen. 40. c

*3. Quia unius
nobiscum cor-
poris membra.*

l I. Cor. 12. d

*4. Quia non
consummandi
sine nobis.*

Denique transeuntes ex hoc mundo ad Patrem, sancta nobis pignora reliquerunt. Apud nos siquidem corpora eorum in pace sepulta sunt, quorū nomina vivent in sæculū, id est, quorum nunquam gloria sepelitur. Absit, absit à vobis animæ sanctæ, Ægyptia illa crudelitas pincernæ Pharaonis^k, qui in gradum pristinū restitutus, statim oblitus est Joseph sancti, qui in carcere tenebatur. Non enim erant unius capitinis membra, nec aliqua pars fidei cum infideli, aut ulla societas Israelitæ ad Ægyptū, non plus quam luci ad tenebras. Interpretatur enim Ægyptus, tenebræ, Israel vero vi-
dens Deum: atque ideo ubicunque Israel erat, lux erat. Non sic noster Jesus crucifixi secum Latronis potuit obliuisci: factum est utiq; quod promis-
sum est: ipsi die qua passus est, & conregnavit. Nos quoque si non sumus ipsius capitinis membra, cuius & Sancti, unde eis tam solemnibus hodie votis & tanto gratulamur affectu? Cæterum qui dixit^l: *Si glorificatur unū mem-
brum, congaudent omnia membra;* hoc quoque nihilominus ait, *quod si patitur
unum membrum, compatiuntur omnia membra.* Hæc igitur nostra & corūco-
harentia est, ut nos congratulemur eis, ipsi compatiantur nobis: nos de-
vota meditatione regnemus in eis: ipsi in nobis, & pro nobis militent pia interventione. Nec est quod de eorum pia erga nos sollicitudine dubite-
mus, quandoquidem non consumandi sine nobis, sicut supra meminimus, expe&tant nos usque dum retribuatur nobis: ut videlicet in novissimo die magno festivitatis omnia simul in virum perfectum cum suo tam excelsa capite membra concurrent, & laudetur cum hæreditate sua Iesus Christus Dominus noster, qui est super omnia benedictus, laudabilis, & gloriolus in sæcula, Amen.

IN OBITUS. MALACHIÆ EPISCOPI.

S E R M O.

DE coelo vobis hodie, dilectissimi, copiosa quædam est benedictio de-
stinata: & fideliter eam non distribui, vobis quidem damnosum esset;
mihi vero periculose, cui nimirum hæc dispensatio videtur esse com-
missa. Timeo itaque damnum vestrum, timeo damnationem meam, si for-
a Thren. 4. a te dicatur^a: *Parmuli petierunt panem, & non sicut qui porrigeret illis.* Scio
Mlaachias in enim quam necessaria vobis sit è coelo veniens consolatio, quos constat il-
Claram- lecebris carnalibus & oblectamentis secularibus viriliter abrenunciâsse.

Nemo

In Transitu S. Malachiæ Epifopi, Sermo. 423

Nemo sanè beneficij esse cœlestis , & superno dubitet consilio diffinitum, *Vallem venit singulari Dei providentia.* ut Episcopus Malachias hodie inter vos obdormiret, & desideratam in- ter vos haberet sepulturam. Cum enim nec folium quidem arboris si- ne divino nutu cadat in terram, quis tam hebes , ut non evidenter in hu- ius beati viri adventu & transitu magnum prorsus consilium supernæ pie- tatis advertat ? A finibus terræ, terram hic positurus advenit, alia qui- dem occasione festinans , quamvis ob specialem erga nos charitatem id plurimum desiderasse noscatur. Multa quidem in itinere ipso impedi- menta sustinuit, nec transfretare permisus est, donec appropinquaret tempus consummationis eius , & terminus qui non poterat præteriri. Quem quidem multis ad nos pervenientem laboribus , tanquam Ange- gelum Dei pro reverentia sanctitatis suæ suscepimus ; sed nos ipse pro sua mansuetudine & humilitate altius radicata, longè suprà quām meremur devoto suscipiebat affectu. Paucos deinde apud nos dies fecit incolu- mitate sua dum socios præstolaretur, qui dispersi in Anglia fuerant, cum Regis illius vana suspicio Dei hominem impediret. Jāmque omnibus ad eum collectis, ad Romanam, pro qua venerat, curiam parabat iter : cum subito infirmitate præventus sensit protinus ad cœleste magis sese pala- tium evocari, DEO melius aliquid providente pro nobis, ne à nobis e- gressus alibi consummaretur.

Nullum quidem in eo non dico mortis , sed vel gravis ægritudinis signum medicis apparebat, ille tamen exhilaratus spiritu, aiebat omnimo- dis oportere, ut hoc anno Malachias ab hac vita egredetur. Labora- tum est è contra, & devotis precibus apud Deum, & quibusunque potui- mus modis : sed illius prævaluere merita, ut desiderium cordis eius tribue- retur ei , & non fraudaretur voluntate labiorum suorum. Sic enim pro votis omnia ei concurrere, ut hunc maximè locum divina sibi inspiran- te clementia elegisset : & hunc quoque ex longo optaret sepulturæ habe- re diem , quo fidelium omnium generalis memoria celebratur. Sed & illud nostra hæc gaudia merito cumulavit, quòd fratrum nostrorum ossi- bus de priore cœmeterio hue asportandis & recondendis , eadem nobis dies auctore Deo fuisset electa. Quæ nimirum deportantibus nobis, & ex more psallentibus idem vir sanctus plurimum sese illo cantu delectari dicebat, & non multo post ipse quoque secutus est somno suavissimo & felicissimo soporatus. Agimus itaque gratias Deo super omnibus disposi- tionibus suis, quòd indignos nos beatæ mortis eius honorare præsentia, quod pauperes suos preciosissimo corporis eius locupletare thesauro, quod infirmos nos tanta Ecclesiæ suæ voluit fulcire columna. Alterum si- quidem è duobus signū istud quod nobis in bonum factum est, persuadet,

G g 3

*Brevis narra-
tio peregrina-
tionis eius.*

*Præcius mor-
tis sue.*

*Sepultus in die
commemora-
tione Fidel.
Anim.*

quòd

quod aut placitus DEO sit locus, aut sibi placitum facere velit, ad quem tantæ sanctitatis virum à finibus terræ moriturum sepeliendūmque perduxit.

*Dira mors
qua Malachiā sustu-
lit.*

Cæterum populo illi affectuosius condolere, & eius quæ tam misericordia Ecclesiæ dirum hoc vulnus non pepercit inferre, crudelitatem mortis vehementius abhorrere, beati huius Patris charitas ipsa compellit. Dira profecto & inexorabilis mors, quæ tantam hominum multitudinem unius percussione multavit: cæca & improvida, quæ Malachiæ ligavit linguam, impedivit gressus, dissolvit manus, oculos clausit. Illos inquam, devotos oculos, qui piissimis fletibus divinam peccatoribus reconciliare gratiam consuevere. Illas mundissimas manus quæ laboriosis & humilibus operibus exerceri semper amaverant, quæ Dominici Corporis Hostiam salutarem pro peccatoribus totiens offerebant; & sine ira & dilectione in oratione levabantur in cœlum; quæ infirmis multa beneficia præstisset, & signis variis effulsiſſe noscuntur. Illos quoque speciosos gressus Evangelizantis pacem, Evangelizantis bona; illos pedes qui totiens fatigati sunt studio pietatis; vestigia illa digna quæ semper devotis osculis premerentur. Sancta denique labia illa Sacerdotis, quæ custodiebant scientiam, os justi quod sapientiam meditabatur: & linguam eius quæ judicium loquens, imò & misericordiam, tantis mederi solebat vulneribus animalium. Nec mirum, fratres, iniquam esse, quam generavit iniquitas: inconsideratam, quam noscitur seductio peperisse. Nihil inquam mirum si ferit sine discrezione, quæ venit ex prævaricatione: si sit crudelis & fatua, quæ ex antiqui serpentis fallacia, & mulieris insipientia prodiit. Quid tamen causamur quod Malachiā ausa sit attentare, fidele equidem

*Sed neque
Christo peper-
git.*

membrum Christi, quando & ipsum Malachiæ pariter & omnium electorum caput suribunda pervasit: Pervasit utique immunem, sed non immunis evasit. Imegit in vitam mors, & inclusit intra se vita mortem, & absorpta est mors à vita. Hamum sibi devorans, inde teneri cœpit, unde visa est tenuisse.

*Quomodo
mors à Christo
superata cum
etiamnum in
homines sa-
pit.*

At fortasse quis dicat: Quomodo mors à capite superata videtur, quæ tanta adhuc libertate sœvit in membra? Si mors mortua, quomodo Malachiā occidit? Si viæta, quomodo adhuc prævalet universis: & non est homo qui vivat & non videat mortem? Viæta planè mors opus Diaboli, & peccati poena, viætum peccatum causa mortis, viætus & malignus ipse, & peccati author & mortis. Nec modo viæta sunt hæc, sed & judicata jam & damnata. Diffinita quidem, sed nondum promulgata sententia est. Denique jam Diabolo ignis paratus, et si nondum ille præcepitus in ignem, modico adhuc tempore sinitur malignari. Tanquam

malleus

In Transitu S. Malachiæ Episcopi, Serm. 425

malleus cœlestis opificis factus est, malleus universæ terræ. Terit ele- *Diabolo &*
 & os ad eorum utilitatem, reprobos conterit in eorum damnationem. Qua- *morti quid*
 lis ergo paterfamilias, tales & domestici eius, peccatum scilicet & mors. *juris seu pot-*
 Nam & peccatum licet simul cum Christo cruci ipsius non dubitetur af- *statis in homi-*
 fixum, adhuc tamen interim non regnare quidem, sed habitare etiam in *nus relictu.*
 ipso dum viveret Apostolo permittebatur. Mentior si non ipse ait ^a : *Iam non ego operor illud, sed quod habitat in me peccatum.* Sic & mors ipsa ^b Rom. 7. d
 minimè quidem adhuc abesse cogitur, sed cogitur non obesse. Erit au-
 tem cum dicetur : *Vbi est mors victoria tua?* Et ipsa siquidem inimica
 novissima destruetur. Nunc verò moderante eo qui imperium habet vi-
 tæ & mortis, & mare ipsum certis littorum coeret metis, mors ipsa dile-
 ctis Domini somnus refrigerii est, Propheta attestante qui ait ^c : *Cum de-*
 derit dilectis suis somnum, ecce hereditas Domini. Pessima quidem mors ^d Psal. 86. a*
 peccatorum, quorum & nativitas mala, & vita peior : *sed preciosa est mors*
sancctorum ^d. Preciosa planè tanquam finis laborum, tanquam
 victoriae consummatio, tanquam vitæ janua, & perfectæ securitatis in- ^e Psal. 115.
 gressus.

Congratulémur itaque, fratres, congratulémur ut dignum est patri
 nostro: quia & pium est defunctum plangere Malachiam, & pium ma-
 gis Malachiæ congaudere viventi. Nunquid non vivit? Et beatè. Ni-
 mūrum viuis est oculis insipientium mori, ille autem est in pace. Deni-
 que jam concivis Sanctorum, & domesticus Dei psallit pariter, & gratias
 agit dicens ^e : *Transfrimus per ignem & aquam, & eduxisti nos in refrige-* ^f Psal. 65. e
rium. Transfrivit planè viriliter, & fœliciter pertransfrivit. Verus Hebræ-
 us Pascha celebravit in spiritu, & nobis transiens loquebatur : Desiderio
 desideravi hoc Pascha manducare apud vos. Transfrivit per ignem & a-
 quam, quem non tristitia frangere, nec detinere mollia potuerunt. Est e-
 nim deorsum nos locus, quem sibi totum vendicat ignis, adeò ut ne mai-
 nimam quidem aquæ guttam de Lazari digito miter ille Dives ibi habere
 potuerit. Est & sursum civitas Dei quam lætificat fluminis impetus,
 voluptatis torrens, calix inebrians quam præclarus! In hoc sane medio
 boni & mali scientia continetur, & voluptatis & tribulationis hic capere
 est experimentum. Infelix Eva in has vicissitudines nos induxit. Hinc ^g Vicissitudo ri-
 planè dies & nox: nam in inferno tantum nox, & in coelo tantum dies. ^{ta presentis.}
 Beata proinde anima quæ utrumque pertransit, nec voluptati inhaerens,
 nec deficiens in tribulatione.

Malachias in
tristibus &
letis, equè in-
fractus.

Breviter vobis unum aliquid ex multis huius viri magnificis actibus
 arbitror referendum, in quo strenuè satis & ignem & aquam noscitur per-
 transisse. Magni illius Patricii Hyberniensium Apostoli sedem Metro-
 politanam

*Malachie Ze-
lus pro domo
D E I.*

*Inter pericula
non detrectat
curam Eccle-
sie; post peri-
cula manu-
lute religiose
quietem.*

*g Eccl. 45. a
b 1. Ioan. 5. a*

*i Psal. 91. b
Plures dejicit
prosperitas
quam adver-
sus.*

*Plana vita
commodior,
sed aspera
securior.*

k 2. Cor. 6. b

politanam tyrannica sibi progenies successionis ordine creans Archiepiscopos vendicabat, hæreditate possidens sanctuarium DEI. Rogatus itaque à fidelibus Malachias noster, ut tantis sece malis opponeret, animam suam in manibus suis ponens accessit intrepidus, suscepit Archiepiscopatum, tradens se discrimini manifesto, ut tanto criminis finem daret. Inter pericula rexit Ecclesiam: post pericula sibi continuo successorem alterum canonice ordinavit. Ea siquidem conditione suscepit, ut postquam cessante persecutionis rabie alter securè posset instrui, ad sedem propriam remeare permitteretur. Ubi sine ecclesiasticis secularibus reeditibus in congregationibus religiosis, quas ipse extruxerat, degens inter eos tanquam unus eorum, usque ad hoc tempus vixit absque ulla proprietate. Sic Dei hominem examinavit non exinanivit tribulationis incendium (siquidem aurum erat) sic nec illecebra tenuit aut resolvit: nec curiosus spectator in via substitit propriæ peregrinationis oblitus.

Quis vestrum, Fratres, non vehementer eius imitari cupiat sanctitatem, si id audeat vel sperare? Credo igitur libentius audituros, si dicere forte poterimus quid sanctum fecerit Malachiam. Sed ne nostrum forsitan minus acceptabile testimonium videatur, scripturam audite dicentem *g*: *In fide & lenitate ipsius sanctum fecit illum.* Fide calcabat mundum, Joanne attestante qui ait *b*: *Hæc est victoria qua vincit mundum, fides nostra.* Nam in spiritu lenitatis dura quælibet & adversa æquo animo tolerabat. Hinc siquidem post Christum fide calcabat Maria, ne caperetur illecebris: inde in patientia sua possidebat animam suam, ne molestiis frangeretur. De his enim duobus habes in Psalmo: casuero à latere tuo mille, & decem millia à dextris tuis: quod multo plures prosperitatis fallaciae, quam adversitatis flagella dejiciant. Nemo itaque nostrum, charissimi, plana molioris viæ superficie delectatus, iter illud marinum sibi commodius arbitretur. Magnos hic campus montes haberet, Invisibiles quidem, sed eo ipso periculosiores. Laboriosior forte via videtur inter ardua collium, & aspera rupium, sed expertis longè securior & desiderabilior invenitur. Utrobique tamen laborem, utrobique periculum esse noverat, qui dicebat *k*: *Per arma justitiae à dextris & à sinistris:* ut meritò congratulemur eis qui transferunt per ignem & aquam, & in refrigerium sunt educti. Refrigerium vultis audire? Utinam id vobis alius loqueretur. Nam ego quod non gustavi, eruere non possum.

Videor tamen mihi hodie super hoc refrigerio Malachiam audire *l* Psal. 114. b dicentem *l*: *Converte anima mea in requiem tuam, quia Dominus benefecit tibi: quia eripuit animam meam de morte, &c.* In quibus verbis quid intelligam, paucis audite. Siquidem inclinata est jam dies, & longius quam

In Transitu S. Malachiæ Episcopi, Serm. 427

quàm speraveram sermo processit, quòd invitus avellar à paterni dulcedine nominis & Malachiam silere lingua formidans, finem facere vereatur. Mors animæ, fratres mei, peccatum est, nisi forte excidit vobis quod in Propheta legistis^m: *Anima quæ peccaverit, ipsa morietur.* Triplex proinde congratulatio est hominis ab omni peccato, & labore, & periculo liberati. Ex hoc siquidem nec peccatum in eo habitare dicitur, nec pœnitentia luctus indicitur, nec ab ullo deinceps lapsu ei prædictetur esse cavitendum. Posuit Helias pallium, non est, quod timeat: non est, quod tangit nedum teneri ab adultera vereatur. Currum condescendit: non est jam trepidare ne cadat: suaviter scandit, non laborans volatu proprio, sed celeri in vehiculo sedens. Ad hoc nos refrigerium, dilectissimi, tota animi aviditate curramus in odore unguentorum huius beati Patris nostri, qui nostrum hodie torporem in ferventissimum desiderium visus est excitasse. Curramus, inquam, post eum crebrios illi clamantes: Trahe nos post te: & affectu cordis, & profectu conversationis devotas omnipotenti misericordiæ gratias referentes, quòd indignis servulis, quibus propria defunct merita, aliena saltem voluit suffragia non deesse.

S E R M O I.

De verbis Esaiæ: Vidi Dominum sedentem super solium excelsum, & elevatum: & ea quæ sub ipso erant replebant templum. Seraphim stabant super illud: sex aë uni, & sex aë alteri. Duabus velabant faciem eius, & duabus velabant pedes eius & duabus volabant.

*Hic sermones
hoc loco ponuntur, eo quod
Prophetia E-
saia sub Kalend. Novemb.
in officio Eccl.
legi incipiat.
a Isa. 6. 2*

Vidi Dominum sedentem super solium excelsum & elevatum, & plena erat omnis terra maiestate eius^a. Sublimis quædam visio Prophetico nobis sermone describitur. Vidi, inquit, Dominum sedentem. Magnum spectaculum, fratres, & beati oculi qui viderunt. Quis non toto desiderio concupiscat tantæ maiestatis gloriam contemplari? Hoc quippe Sanctorum omnium unicum semper desiderium fuit. Ipse est enim in quem desiderant Angeli prospicere, quem videre est vita æterna. Sed aliam, fratres, audio Prophetæ eiusdem, & eiusdem Domini longè dissimilem visionem. Siquidem Esaias iste est qui in alio loco sic loquitur^b: *Vidimus eum, & non erat ei species neque decor, & estimavimus eum tanquam leprosum, &c.* Ubi illud primum considerandum est, quòd communis illa, hæc Prophetæ prærogativæ propria videatur. Non sine causa sanè ibi, *vidimus*, scriptum est: & hic, *vidi*: nisi ut illam quidem intelligas esse communem, hanc verò excellentiæ singularis. Siquidem absque specie & decore vidit eum & sprevit Herodes: viderunt quoque ipsi Judæi, qui & dinumerunt

*Visio D E I
duplex in ma-
iestate,
& humilia-
te.*

Sermones S. Bernardi,

H h h

raverunt